



Broj: 0101-7219-7-LOT 2./20
Sarajevo, 05. 08. 2020. godine

Na osnovu člana 64. stav (1) tačka a) i člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku usluge: LOT 2. OSIGURANJE IMOVINE, na preporuku Komisije za provođenje postupka javne nabavke broj: 0101-7219-6-LOT 2./20 od 03. 08. 2020. godine, rektor Univerziteta u Sarajevu je d o n i o

ODLUKU **o izboru najpovoljnijeg ponuđača i dodjeli ugovora**

Član 1.

Prihvata se preporuka Komisije za provođenje postupka javne nabavke broj: 0101-7219-6-LOT 2./20 od 03. 08. 2020. godine i ugovor o javnoj nabavci usluge: LOT 2. OSIGURANJE IMOVINE, dodjeljuje ponuđaču SARAJEVO-OSIGURANJE d.d. Sarajevo Maršala Tita 29, 71000 Sarajevo, čija ukupna cijena ponude iznosi: 2.806,70 KM bez PDV-a (slovima: dvijehiljadeosamstotinašest KM i 70/100), a rok obrade odštetnog zahtjeva 1 (jedan) dan, iz razloga što je u otvorenom postupku javne nabavke dostavio najpovoljniju ponudu u skladu sa kriterijom “ekonomski najpovoljnija ponuda”.

Član 2.

U Tački 12. Zapisnika o pregledu i ocjeni ponuda broj: 0101-7219-6-LOT 2./20 od 03. 08. 2020. godine, koji se nalazi u prilogu ove Odluke, Komisija za javnu nabavku je konstatovala da je ponuđač SARAJEVO-OSIGURANJE d.d. Sarajevo Maršala Tita 29, 71000 Sarajevo u sastavu ponude dostavio i ovjerene kopije svih dokaza o kvalificiranosti traženih tačkom 13.1. podtačke a.1), a.2), b), c) i d) Tenderske dokumentacije, pa se u skladu sa Tenderskom dokumentacijom, izabrani ponuđač oslobađa obaveze naknadnog dostavljanja originala ili ovjerenih kopija dokaza traženih Tačkom 13.1. podtačke a.1), a.2), b), c) i d) Tenderske dokumentacije.

Član 3.

Ova Odluka će biti objavljena na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 0101-7219-1/20 od 15. 07. 2020. godine, Univerzitet u Sarajevu je pokrenuo otvoreni postupak za javnu nabavku usluga: Osiguranje zaposlenika od nezgode, osiguranje gostiju-posjetitelja priredbi, osiguranje imovine i osiguranje motornih vozila.

Postupak je podijeljen u 3 (tri) LOT-a:

LOT 1. Osiguranje zaposlenika od nezgode i osiguranje gostiju-posjetitelja priredbi

LOT 2. Osiguranje imovine

LOT 3. Osiguranje motornih vozila.

Za provođenje postupka predmetne javne nabavke, Odlukom broj: 0101-7219-2/20 od 15. 07. 2020. godine, imenovana je Komisija za provođenje predmetnog postupka javne nabavke.

Obavještenje o nabavci broj: 999-1-2-80-3-64/20 objavljeno je na Portalu javnih nabavki dana 17. 07. 2020. godine.

Istog dana, na Portalu javnih nabavki objavljena je i Tenderska dokumentacija broj: 0101-7219-3/20.

Sažetak Obavještenja o nabavci broj: 999-1-2-80-3-64/20 objavljen je u "Službenom glasniku BiH" broj: 44 od 24. 07. 2020. godine.

Iz Izvještaja o preuzimanju tenderske dokumentacije od strane ponuđača, kreiranog sa Portala javnih nabavki dana 03. 08. 2020. godine u 10:01 sati, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: CENTRAL OSIGURANJE d.d. Džemala Bijedića 39, 71000 Sarajevo; Adriatic osiguranje d.d. Trg međunarodnog prijateljstva 20, 71000 Sarajevo; ekapija d.o.o. 76300 Bijeljina, Bulevar Mihajla Pupina 10a, Novi Beograd, Srbija; BBS Europe, Hilendarska 13/10, 71123 Istočno Sarajevo; ASA OSIGURANJE d.d. Trg međunarodnog prijateljstva 25, 71000 Sarajevo; WIENER OSIGURANJE VIG AD Kninska 1A, 78000 Banja Luka; "GRAWE OSIGURANJE" d.d. Trg solidarnosti 2, 71000 Sarajevo; DD ZA OSIGURANJE CAMELIJA Bihać, 5. Korpusa br.3, 77000 Bihać; "OSIGURANJE AURA" a.d. Veljka Mladenovića 7d, 78000 Banja Luka; SARAJEVO-OSIGURANJE d.d. Sarajevo, Maršala Tita 29, 71000 Sarajevo.

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 03. 08. 2020. godine u 10:02 sati, vidljivo je da, u periodu koji je ostavljen za dostavljanje pitanja i odgovora (do datuma: 29. 07. 2020. godine), od strane potencijalnih ponuđača CENTRAL OSIGURANJE d.d. Sarajevo i "OSIGURANJE AURA" a.d. Banja Luka, postavljena su pitanja za pojašnjenje Tenderske dokumentacije broj: 0101-7219-3/20 od 17. 07. 2020. godine, na koja je Ugovorni organ u roku dostavio odgovor, putem sistema elektronskih javnih nabavki.

Na Tendersku dokumentaciju broj: 0101-7219-3/20 od 17. 07. 2020. godine **nije bilo žalbi** od strane potencijalnih ponuđača.

Iz Zapisnika o otvaranju ponuda je vidljivo da je dana 03. 08. 2020. godine u 10:15 sati Komisija za provođenje postupka nabavke, izvršila javno otvaranje blagovremeno prispjelih ponuda slijedećih ponuđača:

R. br.	Naziv i sjedište ponuđača LOT 2. OSIGURANJE IMOVINE	Broj prijemnog protokola	Datum i vrijeme prijema ponude
1.	ASA OSIGURANJE d.d. Sarajevo Trg međunarodnog prijateljstva 25, 71000 Sarajevo	0101-8083/20	03. 08. 2020. u 09:00 sati
2.	SARAJEVO-OSIGURANJE d.d. Sarajevo Maršala Tita 29, 71000 Sarajevo	0101-8084/20	03. 08. 2020. u 09:05 sati

Na javnom otvaranju ponuda nisu bili prisutni predstavnici ponuđača.

Od strane članova Komisije i ostalih prisutnih na javnom otvaranju ponuda, nije bilo primjedbi na postupak otvaranja ponuda i ostale priopćene informacije.

Zapisnik sa javnog otvaranja ponuda je isti dan (03. 08. 2020. godine) upućen putem e-maila i putem pošte ponuđačima koji su blagovremeno dostavili ponude.

U Zapisniku o otvaranju ponuda je konstatovano da nije bilo neblagovremenih ponuda.

Iz Zapisnika Komisije je vidljivo da Komisija za javnu nabavku nije imala nejasnoća u ponudama ponuđača.

Komisija za javnu nabavku je u Zapisniku o otvaranju ponuda sačinila sažetak ponuda primljenih u roku (kriterij za dodjelu ugovora "ekonomski najpovoljnija ponuda"):

R. br.	Naziv i sjedište ponuđača LOT 2. OSIGURANJE IMOVINE	Ponuđen i popust	Podkriteriji koji se vrednuju unutar kriterija "ekonomski najpovoljnija ponuda"
1.	ASA OSIGURANJE d.d. Sarajevo Trg međunarodnog prijateljstava 25, 71000 Sarajevo	0,00	<u>1. Cijena (premija osiguranja)</u> 5.875,62 KM bez PDV-a <u>2. Rok obrade odštetnog zahtjeva</u> 1 (jedan) dan
2.	SARAJEVO-OSIGURANJE d.d. Sarajevo Maršala Tita 29, 71000 Sarajevo	0,00	<u>1. Cijena (premija osiguranja)</u> 2.806,70 KM bez PDV-a <u>2. Rok obrade odštetnog zahtjeva</u> 1 (jedan) dan

Iz Zapisnika o pregledu i ocjeni ponuda je vidljivo da je Komisija za javnu nabavku, nakon provjere računске ispravnosti dostavljenih ponuda utvrdila da u ponudama ponuđača: ASA OSIGURANJE d.d. Sarajevo Trg međunarodnog prijateljstava 25, 71000 Sarajevo i SARAJEVO-OSIGURANJE d.d. Sarajevo Maršala Tita 29, 71000 Sarajevo nije bilo računskih grešaka, odnosno da je:

-ponuda ponuđača ASA OSIGURANJE d.d. Sarajevo Trg međunarodnog prijateljstava 25, 71000 Sarajevo, RAČUNSKI ISPRAVNA;

-ponuda ponuđača SARAJEVO-OSIGURANJE d.d. Sarajevo Maršala Tita 29, 71000 Sarajevo, RAČUNSKI ISPRAVNA.

U Zapisniku o pregledu i ocjeni ponuda, na osnovu dostavljene dokumentacije, Komisija za provođenje postupka nabavke je ocijenila da se:

-na ponudu ponuđača ASA OSIGURANJE d.d. Sarajevo Trg međunarodnog prijateljstava 25, 71000 Sarajevo, primjenjuje preferencijalni tretman domaćeg,

-na ponudu ponuđača SARAJEVO-OSIGURANJE d.d. Sarajevo Maršala Tita 29, 71000 Sarajevo, primjenjuje preferencijalni tretman domaćeg.

Iz Zapisnika Komisije za javnu nabavku je vidljivo da je Komisija započela sa pregledom ponuda dana 03. 08. 2020. godine u 10:45 sati, radi ocjene ponuda, odnosno da bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za izvršenje predmetne usluge.

Nakon pregleda ponuda, Komisija za javnu nabavku je utvrdila da ponuđači ispunjavaju sve uslove za kvalifikaciju tražene Tenderskom dokumentacijom (detaljno konstatovano u Tački 11. Zapisnika o pregledu i ocjeni ponuda), pa je Komisija ocijenila da je:

1. Ponuda ponuđača ASA OSIGURANJE d.d. Sarajevo, Trg međunarodnog prijateljstva 25, 71000 Sarajevo, PRIHVATLJIVA;
2. Ponuda ponuđača SARAJEVO-OSIGURANJE d.d. Sarajevo Maršala Tita 29, 71000 Sarajevo, PRIHVATLJIVA.

U Zapisniku o pregledu i ocjeni ponuda, Komisija za javnu nabavku je konstatovala da su u predmetnom postupku javne nabavke primljene 2 (dvije) prihvatljive ponude, te da je cijena ponude ponuđača SARAJEVO-OSIGURANJE d.d. Sarajevo Maršala Tita 29, 71000 Sarajevo za više od 20% niža od cijene drugorangirane prihvatljive ponude. S tim u vezi, Komisija za javnu nabavku se obratila ponuđaču SARAJEVO-OSIGURANJE d.d. Sarajevo Maršala Tita 29, 71000 Sarajevo sa zahtjevom za davanje objašnjenja cijene ponude. Ponuđač SARAJEVO-OSIGURANJE d.d. Sarajevo Maršala Tita 29, 71000 Sarajevo je dostavio detaljno pojašnjenje cijene ponude, koje je sastavni dio Zapisnika o pregledu i ocjeni ponuda.

Nakon analize dostavljenog pojašnjenja ponudene cijene, Komisija za javne nabavke je ocijenila da je ponuđač SARAJEVO-OSIGURANJE d.d. Sarajevo Maršala Tita 29, Sarajevo, u skladu sa zahtjevima iz Tenderske dokumentacije, dostavio zadovoljavajuće pojašnjenje cijene ponude na osnovu kojeg je Komisija ocijenila da će ponuđač biti u mogućnosti izvršiti uslugu po ponuđenoj cijeni, odnosno da će obezbijediti maksimalnu sigurnost isplate šteta za sve osigurane slučajeve iz Tenderske dokumentacije. Komisija za javnu nabavku je u Zapisniku konstatovala da je cijena ponude ponuđača ASA OSIGURANJE d.d. Sarajevo, Trg međunarodnog prijateljstva 25, 71000 Sarajevo znatno veća od osiguranih sredstava za predmetnu nabavku.

Iz Zapisnika o pregledu i ocjeni ponuda je vidljivo da je Komisija za javnu nabavke izvršila rangiranje prihvatljivih ponuda ponuđača za LOT 2. na slijedeći način:

Kriterij za dodjelu ugovora „ekonomski najpovoljnija ponuda“	ASA OSIGURANJE d.d. Trg međunarodnog prijateljstva 25, 71000 Sarajevo		SARAJEVO-OSIGURANJE d.d. Maršala Tita 29, 71000 Sarajevo	
Podkriteriji koji se vrednuju unutar kriterija „ekonomski najpovoljnija ponuda“				
Cijena (premija osiguranja) (KM bez PDV-a) Max 90 bodova	5.875,62 *	43 boda	2.806,70 *	90 bodova
Umanjena ponuda za -30% (KM bez PDV-a) *	4.112,93 *		1.964,70*	
Rok obrade odštetnog zahtjeva (dana) Max 10 bodova	1 (jedan) dan	10 bodova	1 (jedan) dan	10 bodova
Ukupan broj dodijeljenih bodova	53 boda		100 bodova	
Rang	2.		1.	

* Označava cijenu na koju se primjenjuje preferencijalni tretman

U Tački 12. Zapisnika o pregledu i ocjeni ponuda, Komisija za javnu nabavku je konstatovala da je izabrani ponuđač SARAJEVO-OSIGURANJE d.d. Sarajevo, Maršala Tita 29, 71000 Sarajevo, u sastavu ponude dostavio i ovjerene kopije svih dokaza o kvalificiranosti (član 45. stav (1) tačka a) do d) Zakona o javnim nabavkama BiH), traženih Tačkom 13.1. podtačke a.1), a.2), b), c) i d) Tenderske dokumentacije, pa je Komisija u skladu sa Tenderskom dokumentacijom konstatovala da ponuđač SARAJEVO-OSIGURANJE d.d. Sarajevo, Maršala Tita 29, 71000 Sarajevo, **nema obavezu naknadnog dostavljanja originala ili ovjerenih kopija dokaza** traženih Tačkom 13.1. podtačke a.1), a.2), b), c) i d) Tenderske dokumentacije.

Na osnovu navedenog, Komisija za provođenje postupka javne nabavke je dala preporuku rektoru Univerziteta u Sarajevu da za nabavku usluge: LOT 2. OSIGURANJE IMOVINE, donese odluku o izboru najpovoljnijeg ponuđača i dodjeli ugovor ponuđaču SARAJEVO-OSIGURANJE d.d. Sarajevo Maršala Tita 29, 71000 Sarajevo, čija ukupna cijena ponude iznosi: 2.806,70 KM bez PDV-a (slovima: dvijehiljadeosamstotinašest KM i 70/100), a rok obrade odštetnog zahtjeva 1 (jedan) dan.

Iz gore navedenih razloga, primjenom člana 64. stav (1) tačka a) Zakona o javnim nabavkama BiH, prihvaćena je preporuka Komisija za provođenje postupka javne nabavke i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrjelj



Dostaviti:

1. ASA OSIGURANJE d.d. Sarajevo Trg međunarodnog prijateljstava 25, 71000 Sarajevo
2. SARAJEVO-OSIGURANJE d.d. Sarajevo Maršala Tita 29, 71000 Sarajevo
3. Služba za javne nabavke
4. Služba za računovodstvo i finansije
5. web stranica Univerziteta u Sarajevu
6. a/a

Prilog:

-Zapisnik o pregledu i ocjeni ponuda